



# ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

1941 ие  
И Ю Н Е Н Ь  
22-це чи  
69 (1365) №

ЛИСИ: 11-це ие,  
12 № ковс

## Спортивной покш достижения марто вадсынек физкультурникень чинть

Минек масторсо ломаненть умствен-ной ды физической воспитанианть лангс явить пек покш мель больше-вистской партияс, советской прави-тельствас ды весе общественностесь. Физкультурной движенианть минек улить покштояк покш возможностензэ касоманть ды расцветанть туртов. Госу-дарствас, профессиональной союзтне холдтнить трудиятнень физической вос-питанианть туртов пек ламо ярмакт.

Советской од ломатне вечксыз физ-культуранть ды спортонть, сын покш энтузиазма марто примить участия спортивно-физкультурной организаци-нень роботасост. Физкультурас минек масторсо ков чи яла тееви седеяк мас-совыйкс. Теде пек парсте кортыть аволь умок успешнасто ютавтозь лыжной кроссокс ды гимнастической соревнова-ниантне.


Мордовиянь комсомолентне ды од ло-матне лыжной кроссонть ды гимнасти-ческой соревнованиятнесэ добовасть ис-тяжо а берянь показателть. Кода не-яви васень читнень итогнестэ, проф-союзно-комсомольской кроссокскак рес-публикань ламо районтнезав моли орга-низованностэ. Те корты седе, што ми-нек од ломатне парсте чарькодизь физ-культуранть ды спортонть значениянзо, чарькодизь сень, што физкультурас ды спортос кемексты сынст чумбра-чист, теи эйсэст ловкойкс, смелкс, то-навты коть кодамо искусственной ды природной препятствиянь трокс ютамо.

Меельс шкастонть Мордовиянь ком-сомолентне ды од ломатне добовасть а вишкине успехт спортивно-физкультур-ной роботасонть. Неть достижениянтень минек республикань спортсментне невть-сызз трудиятнень всенародной празд-никстэнь — физкультурникень Все-союзной колмоце чистэнтэ. ВЛКСМ-нь обкомось решил физкультурникень чинть честс июлень 20-це чистэ Са-ранск ошсо ютавтомс физкультурникень парад, косо кармить улеме физкультур-никень группат Рузаевкасто, Саранской, Лямбирской ды Ромодановской район-нэстэ.

Физкультурникень Всесоюзной чинть самс шкась кадовсь овси аволь ламо. Комсомолонь райкомтнень ды весе пер-вичной организациятнень задачасташти сеньсэ, штобу нейке жо ушодомс физ-культурной праздникентень анокста-монть. ВЛКСМ-нь обкомось эсь реше-ниясонзо карматнэз горкомтнень, райкомтнень ды весе комсомольской организациятнень возглавить физкуль-турникень Всесоюзной чинтень анок-стамонть ды сонзэ ютавтоманть. Анок-стамонь весе роботасонть башка мель эряви явомс промышленной предприя-тиянь ды колхозной комсомольской ор-ганизациятнесэ массовой военно-физ-культурной роботанть келейгавтоманзо лангс. Од ломатнень вийсэ эряви теимс од стадионт ды спортивной площадкат.

Физкультурникень чистэнтэ респу-бликань районтнесэ эряви ютавтомс воен-но-тактической налксемат, карнавалт, эстафетат, походт; парктнесэ, стадионт-нэсэ, водной станциятнесэ ды спортив-ной площадкатнесэ — массовой гуляният. Ве валсо мерезь, эряви те чинть ютавтомс массовой военно-спортивной покш праздникекс.

Парсте анокстамс ды ютавтомс физ-культурникень Всесоюзной чинть — ми-нек комсомольской организациятнень боевой задачаст!



Профсоюзно-комсомольской кроссонь дистанциясонть Саранск ошонь эйкакшонь парксо.

Фотосъ П. Ивановъ.

## КРОССОСЬ МОЛИ УСПЕШНАСТО

(Телефон вельде)

Рыбкинской районсо комсомолентне ды аволь союзной од ломатне активна участвуюч чиньмань коряс профсоюз-но-комсомольской кроссонть эйсэ.

Июнень 20-це чинть самс ютыз аравтозь дистанциятнень 1.200 ломань, сынст ютксо 400 комсомолец. Кроссонть парсте ютавтыз ВЛКСМ-нь 32 органи-зациява, косо чиньме якасть весе ком-сомолентне ды зярря аволь союзной од ломатне.

Утрахмановка велесэ 4 колхозной ды 1 школьной комсомольской организаци-янт. Весе сын успешнасто ютавтыз кроссонть, конань эйсэ комсомолентне-де башка примасть участия аволь со-юзной 200 од ломань. Мамалаевка ве-лесэ ютыз дистанциятнень малав 200

ломань, Рыбкинской МТС-сэ — 26 ло-мань.

ВЛКСМ-нь райкомось кучсь комсо-мольской активенть эйтэ 15 ломань кроссонть ютавтомань коряс первичной организациятнень лездамо. Течи 400 ломань районсонть кармить участво-вать кроссонть эйсэ.

Комсомольской лия организациятнень коряс седе беряньстэ ашти теvesь Са-модейка велень неполной средней шко-лань, Валгатовка велень ды райсове-тень комсомольской организациятнесэ.

Профсоюзно-комсомольской кроссонть минь прыдсынек июнень 29-це чистэ.

Д. Офтин,

ВЛКСМ-нь Рыбкинской райкомонь сек-ретарь.

## Дубенкань районось кадовсь удалов

Профсоюзно-комсомольской кроссокс Дубенской районсо моли аволь органи-зованностэ, ламо первичной комсо-мольской организациятнень шкасече а со-длыть соревнованиантень ютавтоманть коряс. Тренировочной занятият а эр-силь. Виде, вейке занятият ВЛКСМ-нь райкомонь секретарес Фадейкин ял-гась снартнесь ютавтомс, козонь пур-навкшность 20 ломань, но нетнень эйтэяк сех ламотне ансяк вансть лия чиниятнень лангс, сынсь жо участия эзть прима.

Соревнованиянтнень васень читнестэ зярря первичной комсомольской орга-

низацият старте эзть лисне. ВЛКСМ-нь райкомонть ёндо жо мерат тенё коряс кодаткак апак прима.

Райкомонть роботасонзо покш аса-тыксэкс ашти сеяк, што арась кеме руководства военно-физкультурной ко-миссиянт лангсо, кона «роботы» пред-седателтьме.

ВЛКСМ-нь райкомонтень эряви нейке жо витемс неть асатыкстнэнь ды бо-роцямс сень кис, штобу весе комсомо-лентне примавольть участия чиньмань коряс кроссонть эйсэ.

В. Ганин.

## Теньгушевской районсо

Профсоюзно-комсомольской кроссонть эйсэ июнень 21-це чинть самс примасть участия 473 комсомолец, сынст эйтэ 168 тейтерь-ава. Теде башка кроссонть эйсэ участвовали профсоюзонь 137

член, аволь союзной 139 од ломань ды ФЗО-нь школань 90 тонавтиця.

Кроссокс весемезэ ютавтозь 29 орга-низациява.

Марийской АССР-нтень  
топодсь 20 ие

## Одс чачозь народ

Топодсь комсь ие Марийской Ав-тономной Советской Социалистической Республикантень.

Стака условиясо эрять трудиця мариецтне Великой Октябрьской соци-алистической революциядонть икеле. Вачочи де ды эрва кодамо ормадо кул-циль трудиця народось. Октябрьской революциясь марийской народонть олак-стомтызе пингедэ пингень националь-ной гнетонть эйтэ ды панжсь сонзэ икелев экономической ды культурной касомань келей перспективат.

Октябрьской революциядонть икеле 100 тыща крестьянской хозяйствасо ульнесть 30 тыща сока ды пелюма ды 5 тыщат плуг. Ней колхозной пак-сятнесэ роботыть 1.322 трактор, 298 комбайна, видемань ды сокамонь лия машинат. Иеде нес касы урожайнос-тес. Колмо сядо до ламо колхозт эрва иестэ сайнить 100 ды седе ламо пондт зёрна эрва гектарстонть.

Касы Марийской АССР-нь промыш-ленностесь. Ансяк сталинской пятилет-катнень иетнестэ строясь ды холдазь теves промышленной 45 предприятия. Республикасонть кармасть улеме ламо кить, кассть одошт, зярря рабочей по-селкат.

Сеть покш успехтне, конатнень те-изь Марийской АССР-нь трудиятне хозяйственной ды культурной касома-сонть, аштить ленинско-сталинской национальной политикант торжествен-зо пек паро доказательстваск.

Марийской республикань столица-сонть — Йошкар-Ола ошонть радост-ной оживления. Праздникентень састь инжеть братской республикатнестэ ды областнестэ.

Юбилеенть кувалт Марийской АССР-нь Верховной Советань Президиумось максь республикань почетной звани-ят наукань, искусствань, народной образованиянь, здравоохранениянь 21 работникнень ды грамотасо казсь про-мышленностень, велень хозяйствань, транспортонь 270 передовик ды куль-турной строительствань работник.

(ТАСС).

## Видезь 91 миллион 300 тыща гектар яровой

Союзонь паксятнесэ июнень 15-це чинтень видезь 91 миллион 300 тыща гектар яровой — 97,4 процент план-стонть. Июнень пелевидентень виде-мась целанек прыдозь масторонь 29 республикасо, крайсэ ды областсэ. Прыдовкшны видемась Союзонь остатка районтнесэяк.

Вадрасто ютавтозь тунда паксянь роботатне Литовской, Латвийской ды Эстонской ССР-тнесэ. Весе неть рес-публикатнесэ яровоень видема плановс топавтозь велькска.

Украинасо яровойсэ видезь 15 мил-лиондо ламо гектар. Республикань кол-хозтне уш топавтыз планост.

(ТАСС).

## Кочкить яровой товзюро

«Красный коломенец» колхозсонть озимой сюронь 406 гектартнэнь кочка-модонть мейле ушодовсь яровой товзю-ронь кочкомась. Июнень 17-це чинть самс кочкозель 223 гектар.

И. Шаров.

Ромодановской р-н.





Кадошкинской районной Усыскинской школы учительница Н. И. Тамбовцева велела ютавы общественной пош работа. Сон кочкав комсомольской организации секретарь, работы колхозной бригады стенгазетань редакторе.

СНИМКАСОНТЬ: Тамбовцева ялгась аноксты стенгазетань очередной номер.

Фотосъ П. Ивановъ.

## Минек агитколлективенть роботазо

Ст.-Рябка велеса ули агитколлектив. Сонзэ эйсэ 23 ломань: ВКП(б)-нь 2 члент, 13 комсомолец ды беспартийной 7 ломать.

Тунда видемантень анокстамонь ды сонзэ ютавтомань шкастонть агитколлективес колхозниктень ютксо тейс 483 доклад, беседа. 126 доклад ды беседа ютавтомань партийной XVIII-це конференциянь решениятень коряс, колхозниктень трудост кис дополнительной пандоманонть ВКП(б)-нь ЦК-нть ды СССР-нь СНК-нть постановленияст коряс.

Колхозниктень ютксо агитационно-массовой роботас пек лезды хозяйственно-политической кампаниятень ютавтоманонть, трудонь производительностень кепедеманонть. Куйбышев лемсэ ды «Светлый путь» колхозтнэс тунда видемас ютавтомань эсь шкасто ды паро качества марто. Агитаторосъ А. Матвеев ялгась, кона роботас сокикак, эрва чистэ ютавтиль агитационно-массовой работа эсь звенасонть. Секс звенас видемсэ ды сокамсто выработкань норматнень топавтиль 190 проценте.

Р. Тропина, П. Нардышев, Ф. Клоков, А. Матвеев регулярна ютавтиль беседат международной положениандонть.

Агитколлективенть лездамозо коряс Куйбышев лемсэ ды «Светлый путь» колхозтнэс эрва весте колмоксэ лисниль стенгазетат. Весемезэ неть колхозтнэс нолдаз стенгазетань 35 номер.

Агитационно-массовой роботань ветязь, Ст.-Рябка велеса покш успех марто ютавтомань Колмоше Пятилеткань (нилепе иень нолдав) Заемонть лангс сёрмаптмасъ. Колхозницасъ Т. Рубцова заемонть лангс сёрмаптсэ 100 целковойс ды весе ярмактнень пандынзе наличнойс, Т. Тяпкина ялгась сёрмаптсэ 75 целковойс, С. Матвеев 50 целковойс ды весе ярмактнень пандызъ наличнойс. Тедице колхозниктне од заемонть сёрмаптсэ ютасэ иень коряс 6.000 целковойде седе ламос.

Ф. ВОЛЬНИКОВ,  
агитколлективенть руководитель,  
И. МАТВЕЕВ,  
агитатор.  
Ст.-Синдровской р-н.

## Комсомолец, пурнадо кшни петь!

Эрва комсомолецэс ды од ломанесъ заводсто, депосто, железнодорожной станциясто, колхозсто, совхозсто, МТС-сто, машинно-тракторной мастерскойсто неи ламо ёртнезъ кшни петь, но кой-кона комсомолецтнэ кодамояк мель тенень а явить, а чарькодить, кодамо леззэз кшни петнень пурнамонть. Те толковани сенсэ, што ВЛКСМ-нь райкомтне эзть ветя кодамояк робота кшни петнень пурнамонть леззэз толковамонть коряс, вакска ютызъ те пек эрвикс вопросонть.

Ёртнезъ кшнитнень пурнамосъ жо — государственной важностень покш те, конань марто сьомавозъ минек металлургиянтъ касомазо. Се масторсонть, косо а пурныть ёртнезъ кшни петь, а анокстави зарю эрви сталь.

1934 иестэ Сталин ялгась металлургтнень примамсто мерс:

«Весе виев мастортнэс сталень валомас икельди чугунонь валоманть. Улитъ масторт, косо сталенть валыть 25—30 проценте седе ламо чугунонь коряс. Минек жо мекевланк — сталень валомас кадочи чугунонь валомандонть. Зярс те карми улем? Ней ведь нельзя ловоме, што минек масторосъ «чувтонь», што минек масторосъ арасть ней ёртнезъ кшни петь ды лият. Ней минек масторосъ металлической. А шка ли прядоме чугунонь ды сталенть ютксо диспропорциянтъ марто?»

Кода содави, што 1939-це иестэ Америкасо сталенть валыть 48 проценте седе ламо чугунонь коряс, Германиясо — 20 проценте, Англиясо — 65 проценте, СССР-сэ — 19,9. Истиямо разни-ца те тевсэнтъ капиталистической мастортнень ды Советской Союзонть ютксо толковани сенсэ, што тосо мартовской валомань шихтас кшни петнень максеть седеламо, чем минек. Тестэ эрви теимс вывод: седе ламо кшни петь путомс шихтас.

Минек республикань кой-кона комсомольской организациятне те тевсэнтъ тейсть вадря ушотке. Саранскоень пенькомбинатонь главной конторань, механической мастерскоень ды верочной цехень комсомолецтнэ июнень 15-це ды 16-це читнестэ малав 5 тонна пурнасть ёртнезъ кшни петь эсест комбинатонь территориянтъ лангсто. Ковылкина железнодорожной станциянтъ комсомолецтнэ (комсомольской органи-

зациянтъ секретаресъ Старотонов ялгась) пурныть машинань ташто часть, а машиникс инструментт ды эрва кодат кшни петь. Ламо ташто часть ды ташто инструментт тейсть машиниксэкс, 4 тоннадо ламо кшни петь максеть Союзутиле.

Ней, кизэнь каникулатнень шкасто, кой-кона комсомольской организациятне те тевсэнтъ таргизь пионернтнень ды школьниктнень. Истя, примеркс, тейсть Рузаевка ошонь 37-це № средней школынтъ комсомолецтнэ. Июнень 16-це чистэ те школынтъ пионернтнэ ды школьниктне ялго сырғастъ экскурсияв Мордовской республикань столицав — Саранск ошов. Штобу теимс леззэз те модемсэ, эйкакштне решизь пурнаме чугунокань кинть чирева ёртнезъ кшнитъ ды валамс сынет куяс. Но ведь куяс пурназь кшнитнень эрвас максоме Союзутиле. Тень кис сын кортнестъ путевой бригадатнень марто сень коряс, штобу сын неть кшнитнень пачтавлить Рузаевкав. Весемезэ сын пурнасть малав 5 тоннат ды весе неть тоннатне максозель Союзутиле заготовительной пункт.

Вана те вадря ушотксонть эйстэ эрви саемс пример весе лия комсомольской организациятнень. Но улитъ ВЛКСМ-нь истия первичной организациянтъ, конат овси а заботить тень кисэ. Саранскоень маслозаводонь территориянтъ лангсо ёртнезъ ташто шестеренкат, а машиникс чарыть ды болтт, но комсомольской организациянтъ секретаресъ Спирина ялгась те шкас а чарькоди сенень, штобу пурнаме сынет.

Эрви содамс комсомолецтнэнтень, што ёртнезъ кшнитнень пурнамосъ сьомавозъ сырень экономиянтъ марто. Секс те роботас ашти честень тевекс эрва комсомолецтнень.

Но кшни петнень муемасъ ды пурнамосъ — те асык пельте. Комсомолецтнэнтень эрви проверямс сень, понгсь ли сынет пурнав кшнисъ базас, мейле жо металлургической заводе. Вадря ули, бути комсомольской организациянтъ секретаресъ сьомави Главторчерметань, Союзутиле, Центросоюзонь ды Промкооперациянтъ заготовительной пунктонь заведующейтнень марто ды лична сонс проверямс заводов ды базав кшни петнень ускоманть.

П. Саля.

## Эйкакштне оймсиль ды ветить общественно-полезной работа

Парсте ютавтыть каникулатнень Рузаевкань 37-це номер средней школынтъ тонавтипиянтне.

Сын еще каникулатнеде икеле кармасть ветямо робота пригородной хозяйствань теплицатнесэ, лездыль ветямс уход цецятнень мелга. Тейсть покш цветник эсь школосонть. Ветить робота пришкольной участкосте. Тозонь сын видсть 187 эрва кодат культурат, тейсть коллекционной участка, эрва чистэ ветить наблюденият эсь растениятнень мелга. Пришкольной участкантень ды школынтъ кардзонтень путсь 1.160 декоративной чувто.

Теле башка эйкакштне чугунокань ки лангонь 7 бутка икелев путсь умаринат ды тейсть цветань клумбат.

## А бороцить велеса культуранть кис

Минек республикань ламо велеса комсомолецтнэ ды од ломатне виевста бороцить культуранть ды ваньксинть кис. Озавтнестъ умарь чувт, куракшт, ваньксавтыть ульцятнестэ рудазонть. Но вава Чамзинской районь «12 год Октября» колхозонь комсомолецтнэ аволь асык а озавтиль чувт, но мик стувтызъ колхозной садонть. Садосъ жо зардо-бути ульнес пек вадря. Эйсанзэ ламо умарь чувт, чукуштор курот ды лия фруктовой чувт. Те бу колхозонтень маховоль

эйкакштне ютавтиль интересной экскурсият ды походт. Июнень 16-це чистэ 70 тонавтипия сырғастъ походе Рузаевкасто Саранскоень. Кавто чить эйкакштне ульнестъ ки лангсо. Пурнасть растениянтъ гербарийт, модань коллекциянт. Якасть Левжевской совхозонтень.

Рузаевкасто Саранскоень самс эйкакштне мольтсэ чугунокань кинть кувалт ды пурнасть малав 5 тоннат ёртнезъ кшнитъ, кшни петь. Сын сонзэ максиллизь путевой ремонтной бригадатнень Рузаевкав кучомань кис.

Саранскойсэ эйкакштне ванкшныз опонть, ульнестъ музейсэ, парксо, киносо ды лиясо.

Б. Бобров.

## Комсомолецтнэнь политической тонавтнемасъ аравтозъ беряньстэ

Лавшосто аравтозъ пропагандистской роботасъ Ельниковской районсо. Сеть комсомолецтнэнтень, конатнень алкине политической ды культурной уровенест, районсонть организовазъ начальной политграмотань 23 кружок, козонь совасть 276 ломань. Комсомолонь райкомсо пропагандань ды агитациянтъ комиссияс кемекстас неть кружоктнес руководителъ ды текень лангс оймась. Политграмотань кружоконь кой-кона руководителътне, кода Кудрявцева (Софьино), Галкин (Алексеевка) ды лият, весемезэ ютавтсэ асык 2—3 занятия.

56 комсомолец якить «ВКП(б)-нь историянтъ краткой курсонть» тонавтнеманзо коряс кружоконь занятияс. Сынет эйстэ ламотне а сакшныть занятияс, беряньстэ тонавтиль партиянтъ историянзо. Комсомолецтнэ Первойкина ды Сальников (Кабаново), Грачева (Н. Ямской МТС) кедезесткак эзизь сайне Краткой курсонть. Райдравотделень первичной комсомольской организациянтъ секретаресъ Алышева ялгась яла тонавти колмоце главнтъ, Смирнова комсомолкас — омбоцентъ. Райуполнаркомзагонь первичной комсомольской организациянтъ секретаресъ Анисимов ялгась яволятсэ, што сон тонавти ВКП(б)-нь историянтъ, но сонс мик а соды, зардо ульнес партиянтъ васенце съездэс.

ВЛКСМ-нь райкомсо пропагандань ды агитациянтъ коряс комиссияс (председателесъ Смагин ялгась) а вети кодамояк контроль комсомолецтнэнтъ идейно-политической уровенест касоманть лангсо.

Д. Иванов.

## Тракторнэ аштитъ

Тракторной бригадасъ, кона роботы «Красная Поляна» колхозсонть париянтъ сокамосо беряньстэ тонавты плановой заданиянзо. Тракторнэ седе ламо шканть аштитъ секс, што сынет эрви теимс апокс ремонт. Вейке газогенераторной тракторосъ ашти уш цела ков.

Трактористнэнтъ ютксо воспитательной работа арасъ. МТС-нь директоронть политчастьнтъ коряс заместителез Ульшин ялгась тракторной бригадасонть вестькак арасель, ды а содасынзе сеть причинатнень, конатнень коряс тракторной бригадасъ а тонавты производственной заданиянтень.

И. Алякин.

## Организовазъ птицеферма

1940 иестэ Косогор велень «Большевик» колхозонтъ ульнестъ 67 саранзо. Те иестэ колхозосъ организовазъ птицеферма. Рамасъ 300 цыпака, анокстасъ тенст помещения, косо мельгаст ветить паро уход.

С. Гуляньшин.

Б.-Березниковской район.

## Кадозъ сад

Саранской районь Молотов лемсэ колхозонтъ ули сазодо, конань площадь 6 гектарт. Но садонть кис беряньстэ заботить. Те иень тунда садонть кодамояк робота арасель, мик удобренят модас эзть путо.

Умаринатнестэ коськезъ тарадтнэнтъ керсизь агротехнически аволь видестэ. Тельня умарь чувтонтэс эзизь ёртне боярышницантъ ды златогузкань пиззэнтень, ды ней неть вредительтнень гусеницад кандыть зыян пургондавозъ цветнэнтень ды лопинетнэнтень.

Колхозсонть улитъ комсомолецт, но сын весе неть асатыкштнэнтъ а нейт. Кузатъ ли еще истия кармить кирдеманзо садонть?

Агроном Х. ПИСКУНОВ.



М. Ю. Лермонтов.

## Черкест

(Поэмасто савекс)

## VIII

Уш снартнить войскадне срадомо  
Пек сэрей крепость пандо пряс;  
Но сеске марявсь шалт ардомань.  
Васоло пуль кепететьс ламо.  
Ды неить лишме лангсто ломань  
Ванкшны пелезь, арды киява.  
Сон вана тесэ, валгсь ды ношкетась  
Начальникентень, тензэ кортась:  
«Тенек кулома! Сыть громамо!»  
«Мерть войскадненень анокстамо;  
«Черкестна пандо эхсэ ардыть,  
«Кавонек бажасть кундамс-стардомс,  
«Мельганок бойка пансть лишмест.  
«Савсь пек соракадомс сындест;  
«Кой-кода оргодинь сынст эйстэ,  
«Лишмесь идимим—ардсь эрейстэ».

## IX

Полктненень анокстамс туреме  
Кармавтсь начальникесь. Гайнеме  
Баягась кармасть. Стройс сын арсить,  
Бузмолдыть, пешкить, эскаст басить.  
Ортатне крепостень пектавсть.—  
Лиятне алашаст кашпавтсь  
Черкесэнь виенть лоткавтомо,  
Иль кармить славасо куломо.  
Ды зорясо менелесь артовсь;  
Черкестна вельтить паксянть келей;  
Рядтнэ, прок левть, чиить икелей;  
Эшксевить гайсэ меч меч марто;  
Ды бойкась-докась друк ёматочь.  
Чоподас ядрань зэрт каятоць,  
Ды пек смелтнэде ламо прасть;  
Но весе човорявсь качамос.—  
Идем лишмесь копысо лазозь,  
Цяхазь, паркснезь, дубушки стясь;  
Ды рузонь войскадненень пачк ардтн;  
Прась мода ланге, икелев снартни,  
Вельтизе рунгосонзо ластенть,—  
Перть-пельга ушоеь пешкедсь страстте!

## X

Перть-пельга пушкань зэрт каяты,  
Тесэ жо керсезеь герой  
Эсь верной дружинавть корты,  
Ды лепамсь сонзэ вайгелесь.  
Лиясь чии паксява ратной;  
Сови кургозонзо пулесь;  
Колмоксть юхадсь мечсэ булатной.  
Мечсэ аволямонть лоткась;  
Лазомо снартсь—копысонть якавтсь,  
Ды рунгост эхшелявсь версэ.  
Лепштась эсь ранявктнень пиштыкась  
Кельме ды сорныця кедсьэ.  
Еще эсь ружиянть сон вешни;  
Перть-пельга стукить, пулят вешкить;  
Перть-пельга пушкань ульсь зэрнема,  
Перть-пельга кулома, пелема  
Пандтнэсэ, лашмосо, вирсэ;  
Пек тандадсь ошсонть эрицатне;

Ды кежей увт мольсь менельсэ.  
Лиясь черкес пильгстэ сыворды;  
Стяк сонзэ мечезэ питорды.  
Таго аволдась; чувтомсь сеске,  
Арсесь оргодеме. Пильгезэ  
А сырги, теке чавозь эсксэ;  
Стясь, курок прась. Вана эрейстэ  
Лишмесь ардсь черкес аля  
Штыкень ряд пачк. Сон пек виевстэ  
Эсензэ мечсэньт аволясь;  
Сон казак марто тусь туреме,  
Сынст сабляст валдосто кивтолдыть,  
Уш эсест налтоост эйсэ нолдыть,  
Кармасть мечсэ вачкоеме.  
Тусь налтоось вешказы, цють неяви,  
Ды сеске сон казаконть чави.  
Вана толпа друк кружизе;  
Ды пшти копысо лазызе.  
Сонсь князесь эль кулы ранявктэ;  
Пры лишме лангсто—ардыть весе,  
Оргодить туремань паксясто  
Натой черкес алятнень велькссэ  
Аняк рузонь ядрат рангить.  
Курок туремадо лоткить.  
Аняк кува пулесь пуврявозь  
Нумолокс ардсь черкест изнявозь.  
Сынст эйсэ бойкасто сасыть  
А тандадця цёрат Дононь,  
Конатнень Рейн, Лоар ды Рона  
Некшнлиз эсест берег лангсто;—  
Мельгаст кулома кандеть мартоост.

## XI

Сэтьмелгадсть весе. Но марят  
Чуро леднема пандо ваксто;  
Ды чуросто казак неят,  
Кона бойс арды пек бойкасто,  
Рузнэ эсь стансост ней оймсить.  
Ошось вансозь. Маякт цитнить  
Лей лангсо; яки сторож тува,  
Пшти сельмсэ ванкшны эрва кува,  
Ружия лавтов ланге поволы.  
Аняк маряви: кие моли,  
Аняк маряви: кунсолока;  
Аняк казак од цёра, дока,  
Ардсь рузнэнь станостроке бойкасто,  
Аняк кренч корны чуросто,  
Сон кудозь рунготнеде ярснесь.  
Аняк чуросто тол цитнесь,—  
Палаткас кирвастизь солдатт.  
Ды лиясто питордсь булат,—  
Чемениявозь ломань верде,  
Иль рузонь часовой ве пельде  
Друк пижакады вайгелсэ;  
Сэтьме и тосо и тесэ.

Эрзякс сёрмадызе П. ЛЮБАЕВ.

## Оборонной роботась—вечкевикс тев

Республиканской политпросветшкола-  
сонть чиде-чис вадрялгады оборонно-  
физкультурной роботась. Весе тонав-  
ниплатне тельня примасть участия лыж-  
ной комсомольской кроссонть. Те крос-  
сонть сын максызь ГТО-нь значо-  
конть ланге норматнень.

Ней школосонть ютавтови покш ро-  
бота оборонной значкистнень анокста-  
монть коряс. 13 ломань максызь нор-  
матнень ПВХО-нь значоконть ланге.  
Интереснойста ютнить занятияне  
ГСО-нь II-це ступенень значкистнень  
анокстамонть коряс. Занятияне юта-  
вты врачось Трусов ялгась. Весе заня-  
тияне тонавниятне яксить покш

мельсэ. 10 ломать максыть норматнень  
ворошиловской стрелоконь значоконть  
ланге. Школосонть оборонной роботань  
активистэкс лововить А. Попов, В. Ве-  
ретенников ды А. Суслина, конатнень  
улить нилень-нилень оборонной зна-  
чокост.

Нилеце оборонной значокс ано-  
кстыть максомс норматнень Пылков ды  
Орешин тонавниятне.

Сех виевстэ боропить оборонной ро-  
ботанть вадрялгавтоманзо кис комсомо-  
лецнэ.

Н. Глебов.

Краснослободск.

## А анокстыть призывниктнень

Ново-Зубарево велень Осовиахимень  
первичной организациясь (предсете-  
лесь Беспалов ялгась) роботы берянь-  
стэ. Призывниктне умок вешть, што-  
бу сынст эйсэ тонавтовольть военной  
тевентень, но вешемасть те шкас кад-

нови апак топавто. Ламо од ломать а  
содасызь винтовканть ды противога-  
зонть устройствованзо, мезеяк а содыть  
Якстере армиянь внутренней службань  
установть.

М. Альгасов.

Ст. Синдровской р-н.



Рузаевской железнодорожной училищасонть вадрясто аравтозь оборо-  
ной роботась. 347 тонавница максызь ПВХО-нь значоконть ланге нормат-  
нень.

СНИМКАСОНТЬ: А. Андрейкин, военно-физкультурной воспитателесь  
Е. Я. Микиньков ды Б. Игнатъев. Фотось П. Ивановъ.

Театральной самодеятельностень  
ванномань итогтне

Мордовиясо театральной самодеятель-  
ностень икелепелев кастомань, идей-  
но-политической ды художественной  
уровенезэ кепедемань цельтнесэ, рес-  
публикасонть ютавтозь художественной  
самодеятельностень драматической кол-  
лективтнень роботаст ваннома.

Театральной самодеятельностень все-  
союзной ванномантень включились ми-  
нек республикань 29 район. Тень коряс  
аняк Рыбинской районсо кадовсь  
удалов. Тосо художественной самодея-  
тельностьс аравтозь сехте беряньстэ.

Республиканть келес театральной  
самодеятельностень ванномасонть участ-  
вовали 175 кружок, сынст эйстэ эрзянь  
10, татаронь 7. Драмколлективтне  
невтсть 237 спектакля, эйсэст налкессть  
1.879 ломань, конат вечксызь те те-  
венть. Спектаклятнесэ ульнесь 48.116  
ломань.

Ванномась невтизе, што ламо кру-  
жокт кастызь спектаклятнень анокста-  
монь ды налксемань коряс культуранть,  
кепедизь спектаклятнень идейно-поли-  
тической ды художественной уровне-  
ненть. Ванномань ютавтоманть коряс  
республиканской оргкомиссиясь преми-  
ровась дипломсо сех вадря 26 драм-

коллектив ды грамотасо драмколлекти-  
вень 23 руководитель.

Драматической коллективтнень ютксо  
васенце тарканть саизе Б.-Березников-  
ской районсо Ст.-Найман велень клу-  
бонь драмкружокось, кона налксилъ  
спектаклят эрзянь кельсэ. Кружоконть  
руководителекс роботась эрзянь писате-  
лесь В. Коломасов ялгась (сон жо уль-  
несь режиссерокс-постановщикекс). Ом-  
бопе тарканть саизе Писарсо куль-  
турань кудонь драмкружокось.

Эрзяви меремс, што театральной са-  
модеятельностень ванноманть ютавтом-  
сто ульнесь асатыкеткак.

Театральной самодеятельностень кру-  
жоктнень творческой лексень максомо  
беряньстэ ульнесь привлеченнойть  
профессиональной театрань мастертнэ.  
Заря районсо ванномань коряс комис-  
сияне роботаст беряньстэ, кружокт-  
нень вийтнесэ налксезь спектаклятнеде  
максилить а виде отзывт-рецензият.  
Кой-кона районтнэстэ (Козловской, Лям-  
бирской, Мельпанской ды Саранской)  
те шкас арасть спектаклятнень прима-  
модо протоколт или актт. Ванномань  
омбоце турсонть аволь сатышкасто  
представленноель колхозной самодея-

тельностьс. Кой-кона драмкружоктне  
ванномантень сакшность сеть асатыкт-  
нень марто, кодат сынст ульнесь ике-  
ле. Спектаклятнень анокстылизь 3—5  
репетициясо ды налксилизь суфлеронь  
коряс. Заря районсо драмколлективть,  
эсь виест ды весе возможностнень апак  
лово, анокстакшность истят спектаклят,  
конатнень сынст эзь саво паро лацо  
налксемс.

Заря валт театральной самодея-  
тельностьс икелепелень задачадонзо.  
Главной задачась ашти сенсэ, што-  
бу эрва спектаклянт налксемазо уле-  
вель идейно-политической ды художе-  
ственной покш уровеньсэ. Эрва пос-  
тановкасонть лездас массатнень ком-  
мунистической воспитаниянь теветень.

Кружоконь руководителтнень эр-  
яви ветьме кружоконь члентнень ютксо  
учебно-воспитательной робота. Теэмс  
истя, штобу эрва драмкружковепэсь  
тонавтневлизе артистнень теветень, теат-  
ральной теветень культуранть. Драмкол-  
лективень участниктнень эряви пар-  
сте содамс минек масторсо весе обще-  
ственно-политической эрямонть ды меж-  
дународной событиятнень. Тонавтнемс  
большевистской партиань историйанть,  
секс, што реалистической, художест-  
венна полноценной образт можна нев-  
темс аняк сестэ, зардо вооруженноят  
Марксонь, Энгельсэнь, Ленинэнь,  
Сталинэнь учениясонть.

Самодеятельной коллективень участ-  
никтнень эряви содамс спенической  
грамотантькак, конавтомо а кода ве-  
тьме кружковецтнень творческой ро-  
бота.

Самодеятельностень коллективтнень  
эряви седе ламо налксекшнемс совет-  
ской пьесат, конатнесэ невтезь минек  
пшкань ломатне, сынст тевет, невтезь  
минек эрямонь актуальной вопрост,  
коммунизмань кис бороцямонь вопрост-  
нэ. Теке марто эряви седе покш мель-  
явомс театральной искусствань вишка  
форматненень, налксекшнемс вейке акт-  
со пьесат, водевильт, сечт.

Сень кис, штобу драмкружоктнень  
обеспечивать весе сенсэ, мезе эряви  
пьесатнень налксемстэ (костюмт, па-  
рикт, гримт ды лият)—искусствань  
тевтнень коряс управлениясонть маласо  
шкастонть теэмс театральной прокатной  
база (хозрасчетонь коряс).

Овси аламо пьесат улить эрзянь ды  
мокшонь кельсэ. А берянь бу улелель,  
бути Мордовиянь писателть седе ламо  
ды паро пьесат сёрмадовольть родной  
кельсэ. Сынст пельде тень учить теат-  
ральной самодеятельностень кружоктне.  
Мокшонь ды эрзянь кельсэ истя жо  
эрыволь бу нолдамс советской сех вад-  
ря пьесатнень.

В. Панфилов.





Саранской пенькокомбинатонь токарь-стахановец Н. Кирюхин комсомолецъ производственной заданиязо топаветни 220 проценте.

Фотосъ П. Ивановъ.

### Вадра письмоносец

Колхозниктне пек вечксызъ письмоносецъ Трифонов ялганть, кона ашти примерэкс весе лия письмоносецтнень. Сон подписчиктнень свал шкасто кантлесьнзе газетатнень ды журналтнень. Активнасто ютавыт подписка периодической литературанть лангс.

Б. Платонов.

Кочкуровской р-н.

### Кавто од селт

Покш Маризь велень колхозниктне пек парсте содасызъ, кодамо покш леске кандыт водоемтне ды селтнэ. Тедице, комсомолецтнень инициативаст коряс, колхозниктне еще седеяк пек активнасто кундасть водоемтнень ды селтнэнь теаманть. Селтасть кавто од селт.

П. Букин.

Чамзинской район.

## Икелень Саранскоесь

Те иень ноябры ковсто топоди 300 не Мордовской республикань столицанть—Саранск ошонтень.

Колмо сядт иеде теде икеле неень шкань Саранскоесь таркасо ульнесь татаронь аволь пек покш крепость, кона аштесь казанской татарской ханстваднень ды се шкань Московской государстванть ютксо. Татарской хищниктне, сех пек крымскойтне ды нагайскойтне, конат эрильть ды яксильть Кубаненть малава, свал тейнильть нападения. Те карматывзе Московской правительстванть, Иван III ды сех пек Иван Грозноень (1533—1584) примамс государственной границатнень ванстома мерат. XVI-це пингень 6-це иетнесте Московской государствань весе степной окраинаванть—Алатырьстэ ды Темниковасто (ней Городище) сазез Рыльсканть ды Путивлянт видь кармасть улема зяряз укрепленной оштрогогт, конатне кучилить паксав 4—5 чис эсь разьездт, штобу содамс, арасть ли косоак неприятельской ломать.

Саранской крепостесь аштесь истямо таркасо, косо вейсэндылвить Саранка ды Инзар лейтне, тосо, кува умок уш яксильть татартнэ («Ахматкин брод»). Секс сон ульнесь выгодной ды важной наблюдательной пунктокс. Тень чарькодизь русской разьездтнэ, ды сын сонзэ занизь. Аламонь-аламонь Саранской сторожевой постось кармась басо-

мо ды кемекстамо, кепетильть зяряз од кудот ды мейле сон теевсь опорной пунктокс-острогоск сторожевой ды пограничной ружтнень.

1636—1644 иетнестэ кармась теевме кемекстазь Атемарской линиясь, конань эйс совасть Саранской, Инзерской (ней Посоп), Атемарской ды Шишневской острогтне. XVIII-це пингень 70—80-це иетнень Саранскоесь теевсь кемекстазь те ливиянт лангс сех покшмокс.

1641 иетнень острогось ульнесь уш малав анок. Сонсь острогось (кремлясь) теезель сэрй вал лангс, тозонь, косо ней аштити МАССР-нь Наркомфинэнь здавиясь, Пединститутонь общежитиясь ды «Октябрь» кинотеатрась. Те ульнесь, кода мерить, острогонть южной ёнксо. Саранка леенть томбале ёнксонть мерильть нагайской. Истямоль главной врагонть лемезэ (нагайть), кона секе тев кайсевкшиль пограничной оштонень лангс. Острогонь стенатне тов венстязельть леенть кувалт ды те ёндо острогонть а кода ульнесь энемс. Теде башка Саранка леенть вить ёно ульнесь крепостень еще вейке сооруження — моданть пезнавтнелеть чувт, прят ульнесь пштилгавтозъ, сынест мерильть «надолбат».

Северной границаь ульнесь тосо, косо ней Советской ульнесь. Те ливиянт ловильть русскойкс. Саранской

## Европасо, Африкасо ды Азиясо войнась

(Июнень 20-це чистэ военной действиятнень дневник)

Июнень 20-це чинть каршо вестанть германской бомбардировщиктне таго атаконизь Грейт-Ярмунть портовой сооружениань ды Южной Англиясо аэродроманть. Германской сводкась пачти вейке английской торговой суднань ваявтомодо ды колмо лия пареходонь коламо.

Английской авиациясь июнень 19-це чистэ тейсь налет Гаврсо доктнень лангс (Франция). Июнень 20-це чинть каршо вестанть бомбардировазь Кельн-сэ ды Дюссельдорфсо промышленной объектнэ (Западной Германия).

\*\*\*

Северной Африкасо, Соллумонь секторсонть ды Тобруконть маласо тешкстневсь кавонест ёнкстнень разведывательной отрядонь аволь виев деятельность. Тобруконть маласо итальянской артиллериясь леднесь англичанонь войскастнень лангс, авиациясь жо бомбардировизе ошонь укреплениястнень. Английской бомбардировщиктне тейсь налет Дерна ды Эль-Газалсо аэродромтнень лангс (Ливия).

Абиссиниясо, Рейтер агентстванть

сообщениянзо коряс, английской частне шаштсь Дессистэ (Аддис-Абебанть эйстэ север ёно) Дебра-Таборанть витьс, конань районзо еще эсь кедьсэст кирдить итальянецтнэ.

\*\*\*

Сириясо июнень 19-це чистэ ушодовсь Дамасконть лангс английской войскастнень общей наступленияст. Кода пачти Юнайтед Пресс агентствась, английской командованиянь представителесь пачтась, што английской ды леволевской войскастне, конат аштити Дамасконть маласо, пачкодть Эль-Меззе пригородонть, косо ашти аэродромось. Но французтнэ мешить английской операциятнень, виевст леднить Дамасконть эйстэ север ёно ды Восток ёно англичантнень позицияст. Июнень 19-це чинть каршо вестанть индийской войскастнень отрядтнэ совасть Эль-Меззе пригородонть, но тосто сынест панизь французтнэ.

Английской военной кораблятне бомбардировизь Бейрутонть маласо Сириянь прибрежной районтнэ.

(ТАСС).

### Английской ды германской авиациянь емавкстнаде германской даннойтне

Германской информационн бюронть сообщениянзо коряс, июнень 15-це чистэ 18-це чис пек виев воздушной бойтнень шкасто английской авиациясь ёмавсь 96 самолет. Секе жо шканть

перть германской авиациясь ёмавсь 12 самолет. Английской даннойтнень коряс, английской авиациянь ёмавксонзо теке жо шканть перть—38 самолет.

(ТАСС).

### „Хоци“ газетась Юго-Восточной Азиясо положениядонть

Японской печатесь яви покш мель политической обстановканть, кона теевсь Юго-Восточной Азиясо. «Хоци» газетась сёрмады: «Голландской Индиянт марто Япониянт переговоритнэ лондадть. Французской Индо-Китаесь а бажи экспортировамс рис Японияв. Япониянт коряс Таинть позициязо лепшамонть кувалма, конань сонзэ лангс

тейни Англиясь, кармась улема пек настороженной. А каднови а кемемасеньсэ, што британской Малайясь, Голландской Индиясь, Новой Зеландиясь, Австралиясь ды Филиппинтнэ теить вейке оборонительной линия Япониянт каршо».

(ТАСС).

## Течи Саранскоень парктнессэ

Пушкин лемсэ оймсемань ды културань паркось Саранскоень од ломатнень кармась улема сехте вечкевикс оймсема таркакс. Трудовой чиденть мейле эрьвась ловы эрявиксэкс молемс оймсеме лопав чувто алов, ютамс парконь аллеятнэва ды лексемс цветань ароматонть, ловномс свежа газетат.

Тесэ эрьвась эсь мелензэ коряс муи эстензэ развлечения: налксемс биллиардсо, физкультурной площадкасонт максомс оборонной значоктнень лангс норматнень. Те оймсема чистанть ушодсы роботанзо тирэсь, кона мелень коряс теезэ одс.

Парконь дирекциясь скулмавсь гастролень, цирковой ды акробатической зяряз коллектив марто, конат парконь дирекциянт тердеманзо коряс сыть Саранскоев. Овтонь дрессировщиктнэ саст уш, сынест неть читнестэ Саранскоев эрицяне нессыз.

Чокшне добровольной физкультурной общественатне парксонть организовить спортивной налксемат.

Эйкакшонь парксонть карми улема профсоюзно-комсомольской кросс, гранатонь ёртнема, кирнявтнема. Ошонь васенце тарканть кис налксить «Динамо», «Буревестник» ды эйкакшонь парконь юношеской командатне. Литературной, хоровой, драматической кружоктне организовить самодеятельностень художественной выставка. Легкоатлетической ды акробатической командатне невтит зяряз физкультурной упражнениат.

Лесопарксонть — профсоюзно-комсомольской кросс.

П. Кильдюшкин.

### Велень библиотекасо

Велень библиотекась Пакся Тавлавань колхозниктнень ды од ломатнень туртов ашти сех вечкевикс таркакс. Эрьва колхозниксэ паксясо стахановской роботадонзо мейле калпы молемс клубонь библиотеканть, саемс ловномс художественной ды политической литература.

Сехте активной ловныцясь колхозниктнень эйстэ—Дмитрий Петров.

П. Борисов.

Кочкуровской район.

острогось пекстазь кирдиль русской моданть лангс ютамо тарканть. Весе крепостенть ниленест ёнкстнэва ульнест башият. Вейкесь эйстэст пек покшоль, теезель тумосто, эйсэнзэ ульнест 8 уголт, яруст. Васенце ды омбоце ярустнэнь ютксо неявиль Саранскоев сех умоконь соборонь баягатне (мерильть тензэ спасской собор). Седе вере, стенатнес теезельть кшнинь част.

Острогонть маласо ульнесь посад, косо эрильть торговцт ды ремесленникт. Ошонть восточной ды западной ёнкстнэзэ теезель модань вал, кона содави нейгак. Те валонть кувалт стявнелельть чувт пштилгавтозъ прят марто, сын а нолдыльть ютамо острогонть юг ёно. Паксясо тейнелельть зяряз «вергизэнь ямат», конатне неприятелентень мешильть ютамс крепостень валонть. Валось таргавозель Саранской виренть видьс, кона сестэ пек покшоль ды седелть. Те виренть кувалт теезель засека—виренть керсильть, тевиль 30—40 саженень сэрсь а ютавикс стена. Засеканть северной ёнксонзо ульнесь а неавикс яннэ, кувалта ютавил вейке ломань—засечной сторож. Восток ёно Саранскоев малав венствавозель вал, кона молиль Инзерской (Посопонь) острогонть.

Ошонть строямонзо ды чертанть тееманзо марто ве шкасто правительствась кучилить тей лия таркасто ломать, конатне ошонть ды валонть ванстыльть неприятеленть эйстэ. Острогонть ды чертанть приписывали мест-

ной эрицятненьгак, татарт, мокшот ды эрзят.

Лия таркасто кучозь ломатнень мельга куроксто саст помещикть, появасть монастырь. Сын нелгенильть мокшэрзятнень модаст, секс сынест савкшнелъ тукшномс эрямо лия таркав.

Чертанть кувалт ды ошонть служамось эрицятнень тейниль ламо горя ды пиштемат. Тенень сын ютавылизь малав весе шкаст. Бути веть тевиль тревога, эрьвсь ванномс степень, а неяви ли враг. Врэгось жо появакшнелъ апак учо, пултиль велетнень, сайниль пленс ломать. Сех страшной эрсильть вень куншкане кайсевематне. Зярдо максильть сигнал, сестэ ошонь посадонь ды маласо велень эрицятне эцильть крепостентень, ламот туильть степень неприятельской ломанень вешнеме, конат кадовильть крепостентень—пекстылизь ортатнень, виензавтылизь карауловть, зарядильть пушкат ды ошонь стенатнень лангсто ванильть, мезе вень куншкане моли степсэ.

Истя теевсь эрямось Саранской острогонть 300 иеде теде икеле, зардсон ульнесь покш острогоск Московской государствань пограничной линиянт лангс.

Н. Руткевич,

Мордовской Научно-исследовательской институтонь научной сотрудник.

Отв. редакторсь А. ЩЕГЛОВ.